

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKI NAČELNIK

**I N F O R M A C I J A**  
**o poticajima u poljoprivrednoj proizvodnji**  
**na području općine Maglaj u 2018. godini**

Maglaj, oktobar 2018. godine

## Uvod

U periodu od 01.01. do 15.10.2018. godine, u sektoru poljoprivrede, u obradi su bili predmeti koji su se odnosili na: obradu i dostavljanje zahtjeva za ostvarivanje poticaja u poljoprivrednoj proizvodnji sa kantonalnog i federalnog nivoa, izdavanja vodnih akata (prethodna vodna saglasnost, vodna saglasnost i vodna dozvola), upis i ažuriranje podataka u Registru poljoprivrednih gazdinstava/gospodarstava (RPG) i Registru klijenata (RK) – (63 zahtjeva za upis i 429 zahtjeva za ažuriranje podataka), isti su kompletirani i unešeni u softversku aplikaciju koja je postavljena od strane Federalnog ministarstva za poljoprivredu, vodoprivredu i šumarstvo i koja služi kao osnov za ostvarivanje poticaja u poljoprivrednoj proizvodnji na svim nivoima vlasti, redovno su rađeni izvještaji za Federalni zavod za statistiku iz oblasti poljoprivredne proizvodnje, te ostali akti i dopisi koji su vezani za oblast poljoprivrede i vodoprivrede.

Posljednih godina Općina Maglaj je u skladu sa Zakonom o poljoprivredi („Sl. novine FBiH“ broj: 88/07), u kome je navedeno da jedinice lokalne samouprave mogu osigurati novčane podrške za razvoj poljoprivrede, u Budžetu/Proračunu Općine Maglaj izdvajala novčana sredstva koja su bila usmjerena za poticanje poljoprivredne proizvodnje.

Poticajna sredstva su se prvenstveno usmjeravala na poticaj poljoprivrednim gazdinstvima koja su u svom radu postizala značajne rezultate u cilju stvaranja i proširenja obiteljskih gospodarstava i obrta, ali i na poljoprivredne Zadruge i Udruženja čiji članovi doprinose cjelokupnom razvoju poljoprivrede i razvoju ruralnih područja općine.

Opredjeljena sredstva poticaja su raspoređena u omjeru 60 % za animalnu (stočarsku) i 40 % za biljnu proizvodnju, sa mogućim odstupanjem 5 % od jedne ili druge navedene proizvodnje.

Poticaji su se izdvajali planski u skladu sa Programom poticaja razvoja poljoprivrede na području općine Maglaj, koji usvaja Općinsko vijeće Maglaj.

Sredstva su predviđena za animalnu odnosno stočarsku i biljnu proizvodnju.

## PROIZVODNJA SIROVOG KRAVLJEG MLIJEKA

Proizvodnja sirovog kravljeg mlijeka (0,10 KM/litru proizvedenog sirovog kravljeg mlijeka) po kvartalima - obračunava se po dostavljenim tabelarnim prikazima od strane registrovanih otkupljivača "Saraj-Milk" d.o.o. Liješnica, Maglaj i "ZIM" dd Zenica).

R.Br.	Proizvodnja sirovog kravljeg mlijeka	Ukupno litara	KM/litar	Iznos (u KM)
1.	I kvartal 2018.godine	209.573	0,10	20.957,30
2.	II kvartal 2018.godine	205.216	0,10	20.521,60
3.	III kvartal 2018.godine	163.737	0,10	16.373,70
	<b>UKUPNO:</b>	<b>578.526</b>	<b>0.10</b>	<b>57.852,60</b>

Procjena godišnje proizvodnje sirovog kravljeg mlijeka je cca 80.000,00 KM.

Dana 25.06.2018.godine Općinski Načelnik objavio je Javne pozive za ostvarivanje novčane podrške na području Općine Maglaj za slijedeće poljoprivredne proizvodnje:

### 1. PČELARSTVO (proizvodnja meda)

Pravo na poticaj imali su poljoprivredni proizvođači pčelari koji su članovi registrovanih udruženja pčelara sa područja općine Maglaj, i koji imaju najmanje 10 (deset) pčelinjih zajednica/košnica.

Visina poticaja je iznosila 10,00 KM/košnica.

Broj zaprimljenih zahtjeva za ovu vrstu proizvodnje je 49.

**Isplaćeno: Broj košnica 1788 x 10,00 KM = 17.880,00 KM**

### 2. PROIZVODNJA ARONIJE I BOROVNICE

Pravo na poticaj imali su poljoprivredni proizvođači koji su zasnovali proizvodnju na zasadima aronije i borovnice od 1 dunuma i više.

Visina poticaja je iznosila 100,00 KM/dunum.

Broj zaprimljenih zahtjeva za ovu vrstu proizvodnje je 6.

**Isplaćeno: 19,426 dunuma x 100,00 KM = 1.942,60 KM**

### 3. PROIZVODNJA KRSTAVACA KORNIŠONA

Pravo na poticaj imali su poljoprivredni proizvođači koji su zasnovali proizvodnju krastavaca kornišona na površini od 0,5 dunuma i više.

Visina poticaja je iznosila 0,5 – 1 dunuma se množila sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25.

Iznos poticaja je 100,00 KM/dunum.

Broj primljenih zahtjeva za ovu vrstu proizvodnje je 31.

2 zahtjeva x 0,5 dunuma x 100,00 KM = 100,00 KM

27 zahtjeva x 1 dunuma x 100,00 KM = 2.700,00 KM

1 zahtjev x 2 dunuma x 100,00 KM x 1.25 koef. = 250,00 KM

1 zahtjev x 3 dunuma x 100,00 KM x 1.25 koef. = 375,00 KM

---

**Isplaćeno:**

**UKUPNO: 3.425,00 KM**

### 4. PLASTENIČKA PROIZVODNJA

Pravo na poticaj imali su poljoprivredni proizvođači koji su zasnovali bilo koji vid intezivne biljne proizvodnje (rasadničarstvo, povrtlarstvo, cvjećarstvo i dr.) u plastenicima i staklenicima, na minimalnoj površini od 200 m<sup>2</sup> i više.

Visina poticaja iznosila je 1,00 KM/m<sup>2</sup>.

Broj zaprimljenih zahtjeva za ovu vrstu proizvodnje je 41.

**Isplaćeno: 16,040 m<sup>2</sup> x 1,00 KM = 16.040,00 KM**

Ostala sredstva koja su utrošena iz Budžeta/Proračuna Općine Maglaj u 2018.godini su za slijedeće namjene:

1. Udruženje pčelara općine Maglaj – **1.400,00 KM** (sufinansiranje projekta iz oblasti poljoprivrede "Zaštita i valorizacija tradicionalnih poljoprivrednih proizvoda"),
2. Udruženje poljoprivrednika "Bijela Ploča" – **250,00 KM** (sufinansiranje rada udruženja),
3. Udruženje poljoprivrednika "Misurići" – **300,00 KM** (sufinansiranje rada udruženja).
4. Od strane „Agroprojekat“ Sarajevo i prof. dr Nezira Tanovića naručeno 100 kom. „Atlasa ljekovitog bilja“ i 100 kom. „Atlas gljiva“ koji su podjeljeni zadrugama, udruženjima i individualnim poljoprivrednim proizvođačima - **760,00 KM**.

Planirana sredstva iz Budžeta Općine Maglaj u 2018. godini za mjere poticaja u poljoprivredi iznose **185.000,00 KM**, a zaključno sa 15.10.2018. godine potrošeno je ukupno **99.850,20 KM**.

Iz gore navedenog izvještaja utrošeno je **99.850,20 KM**.

Preostala sredstva u iznosu od **85.149,80 KM** bit će usmjerena za ostale poljoprivredne proizvodnje po raspisanim javnim pozivima koji su u toku i koji su u skladu sa usvojenim strateškim dokumentima općine Maglaj.

Dana 04.10.2018. godine Općinski Načelnik objavio je Javne pozive za ostvarivanje novčane podrške na području općine Maglaj za slijedeće poljoprivredne proizvodnje:

1. PERADARSTVO (proizvodnja konzumnih jaja),
2. PROIZVODNJA JAGODIČASTOG VOĆA (malina, kupina, jagoda i dr.),
3. PROIZVODNJA KUKURUZA (silazni merkantilni), i
4. SUFINANSIRANJE PROJEKATA - programa iz oblasti poljoprivrede, nabavka opreme, edukativna putovanja i organizirane posjete sajmovima za udruženja i zemljoradničke zadruge.

Navedena četiri javna poziva još uvijek su u toku i traju do 26.10. tekuće godine.

Kada je u pitanju proizvodnja jagodičastog voća, konkretno maline, „Programom poticaja u poljoprivrednoj proizvodnji na području općine Maglaj za 2018. godinu“ („Službene novine Općine Maglaj“, broj: 3/18) predviđeno je da je „*visina poticaja za navedenu proizvodnju u iznosu od 0,10 do 0,15 KM/ 1 kg otkupljene količine od strane registriranog otkupljivača*“, obzirom na trenutno lošu situaciju kada je u pitanju stanje u proizvodnji maline i nisku otkupnu cijenu maline na tržištu, prijedlog Službe prema Općinskom vijeću Maglaj je da se Zaključkom Općinskog vijeća navedeni iznos poticaja poveća, kako bi se donekle amortizovali gubici koje trenutno imaju individualni proizvođači maline a takođe i zadrži dosadašnja proizvodnja, koja je na cca 700 duluma zasada maline.

Osim gore navedenih mjera poticaja sa nivoa Općine, tu su i poticaji sa kantonalnog i federalnog nivoa koji su usklađeni sa programima poticaja Ministarstva za poljoprivredu Ze-do kantona i Federalnog ministarstva za poljoprivredu, vodoprivredu i šumarstvo. Služba je bila u stalnoj komunikaciji sa resornim kantonalnim i federalnim ministarstvom za poljoprivredu, šumarstvo i vodoprivredu, kako pismenim tako i elektronskim i telefonskim putem, a vezano za primjenu propisa i to Zakona o poljoprivredi, Zakona o vodama, Zakona o poljoprivrednom zemljištu, kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih.

U navedenom vremenskom periodu primane su stranke kojima su davani stručni savjeti iz oblasti poljoprivredne proizvodnje, upućivane su na određene radnje koje moraju izvršiti kako bi zadovoljili kriterije koji su potrebni za ostvarivanje federalnih i kantonalnih poticaja, a koji su propisani u Uputstvima koje je izdalo federalno i kantonalno ministarstvo za poljoprivredu, šumarstvo i vodoprivredu kao i za podnošenje zahtjeva za općinski poticaj.

Također, zaprimani su zahtjevi sa potrebnom dokumentacijom za ostvarivanje poticaja u svim segmentima poljoprivredne proizvodnje, te pregledani i sa popratnim aktom poslani nadležnim ministarstvima, uz izdavanje potvrda o upisu u RPG/RK, liste korištenja i liste stoke.

Po uputstvu o poticanju Ministarstva za poljoprivredu, šumarstvo i vodoprivredu Ze–do kantona proizvođači su se u 2018. godini prijavljivali na sljedeće Javne pozive:

- Podrška za registraciju farme muznih grla,
- Podrška za proizvodnju u plastenicima i staklenicima,
- Podrška za proizvodnju maline,
- Podrška za proizvodnju krastavca kornišona,
- Podrška za zasnivanje novih zasada jagodičastog i koštičavog voća.
- Podrška za držanje koka nosilja.

Po uputstvu o poticanju Ministarstva za poljoprivredu, šumarstvo i vodoprivredu Federacije BiH proizvođači su se u 2018. godini prijavljivali na sljedeće Javne pozive:

- Proizvodnja silažnog kukuruza,
- Proizvodnja svježeg kravljeg mlijeka,
- Proizvodnja goveđeg mesa – tov junadi,
- Uzgoj rasplodnih junica,
- Uzgoj rasplodne stoke – ovce i koze,
- Podrška po modelu ruralnog razvoja.

Podaci o broju predanih zahtjeva i iznosu novčanih sredstava biti će poznati u narednoj godini.

Početkom 2018. godine objavljen je Javni poziv od strane Federalnog ministarstva raseljenih osoba i izbjeglica za „Program pomoći održivog povratka“ u cilju podrške u zapošljavanju/samozapošljavanju povratnika u poljoprivredi u periodu 2018. i 2019. godine na području Federacije Bosne i Hercegovine, u skladu sa procedurama za izbor korisnika na prijedlog Komisije za razmatranje prijave po Javnom pozivu (imenovane rješenjem resornog ministra) i Komisije za razmatranje prigovora na Odluku o utvrđivanju rang liste potencijalnih korisnika, objavljenjena na web stranici Federalnog ministarstva raseljenih osoba i izbjeglica.

Dana 12.10.2018. godine u prostorijama zgrade Općine Maglaj održan je sastanak sa predstavnicima njemačke firme „KARL KUEHNE“ GmbH, vezano za Projekat „Uzgoj paprike zeleni feferon – sorta Jalapeno na otvorenom polju“ a koji se pokazao uspješnim na području Srednje Bosne. Na sastanku je prezentovan prijedlog i plan za narednu sezonu, zajednički se razmotrila mogućnost realizacije pomenutog projekta na području općine Maglaj, a prezentacija zainteresovanim proizvođačima prema najavama bit će održana u januaru 2019. godine o čemu će poljoprivredni proizvođači biti blagovremeno obavješteni.

U navedenom periodu rješavano je po zahtjevu podnositelja zahtjeva za izdavanje vodnih akata (prethodna vodna saglasnost, vodna saglasnost i vodna dozvola) primjenjujući Zakon o vodama Zeničko-dobojskog kantona („Sl. novine Ze-do Kantona“, broj 17/07).

Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima.

## PROJEKTI SA CRS - om

1. Kroz projekat „Integrisana podrška raseljenim osobama i izbjeglicama u Bosni i Hercegovini, Crnoj Gori i Srbiji“ gdje je cilj programa bila socijalna i ekonomska integracija raseljenih osoba i izbjeglica u 2017. godini, kroz ovaj Projekat dodjeljeno je:
  - 2 (dva) motokultivatora sa priključcima,
  - 10 (deset) koza,
  - Repromaterijal za dunum jagode,
  - Sitna sjemena za proljetnu i jesensku sadnju (krompir, luk, grašak ).

U proteklom periodu odraden je monitoring za gore navedeni Projekat, te je ustanovljeno da su kroz ove donacije korisnici proširili poljoprivrednu proizvodnju i ostvarili minimalnu dobit za tu proizvodnju.

Broj:  
Maglaj, 15.10.2018.godine



Općinski načelnik  
Mirsad Mahmutagić

Obrađivač: Sadka Huskić

Kontrolor: Ferhat Bradarić

Kontrolor: Senada Alibajraktarević